



**CONVENIO DE COLABORACIÓN ENTRE AS CONSELLERÍAS DE
POLÍTICA SOCIAL E DE EDUCACIÓN, UNIVERSIDADE E
FORMACIÓN PROFESIONAL, AS UNIVERSIDADES DA CORUÑA,
SANTIAGO DE COMPOSTELA E VIGO E A ASOCIACIÓN ABUSO E
MALTRATO INFANTIL NO. GALICIA (AMINO.GAL), PARA A
FORMACIÓN, DIFUSIÓN E SENSIBILIZACIÓN NO EIDO DA
VIOLENCIA SEXUAL INFANTIL**

Santiago de Compostela, a 30 NOV. 2018

REUNIDOS

Dunha banda, dona Fabiola García Martínez, conselleira de Política Social, e dona Carmen Pomar Tojo, conselleira de Educación, Universidade e Formación Profesional, no uso das facultades que lles veñen atribuídas no artigo 34 da Lei 1/1983, do 22 de febreiro, de normas reguladoras da Xunta e da súa Presidencia, os Decretos 98/2019 e 96/2018, do 26 de setembro, dos seus respectivos nomeamentos, o Decreto 88/2018, do 26 de setembro, polo que se establece a estrutura orgánica da Xunta de Galicia, o Decreto 177/2016, do 15 de decembro, polo que se fixa a estrutura orgánica da Vicepresidencia e das consellerías da Xunta de Galicia, o Decreto 176/2015, do 3 de decembro polo que se fixa a estrutura orgánica da Consellería de Política Social e o Decreto 4/2013, de 10 de xaneiro, polo que se establece a estrutura orgánica da Consellería de Cultura, Educación e Ordenación Universitaria, de conformidade co establecido na disposición transitoria segunda do Decreto 106/2018, do 4 de outubro, polo que se modifica parcialmente o Decreto 177/2016, do 15 de decembro, polo que se fixa a estrutura orgánica das consellerías da Xunta de Galicia, e o Decreto





XUNTA DE GALICIA

CONSELLERÍA DE POLÍTICA
SOCIAL

Dirección Xeral de Familia, Infancia
e Dinamización Demográfica

galicia

196/2012, do 27 de setembro, polo que se crea a Axencia de Turismo de Galicia e se aproban os seus estatutos .

Doutra banda, don Julio Abalde Alonso, reitor da Universidade da Coruña, con CIF Q6550005J e domicilio social na rúa da Maestranza núm. 9, 15001 da Coruña, actuando no nome e representación desta, en virtude do Decreto 1/2016, do 8 de xaneiro, do seu nomeamento, e polas facultades que lle confire a Lei Orgánica 6/2001, do 21 de decembro, de Universidades, o Decreto 101/2004, do 13 de maio, polo que se aproban os estatutos da Universidade da Coruña, modificados polo Decreto 194/2007, do 11 de outubro,

don Antonio López Díaz, reitor da Universidade de Santiago de Compostela (A Coruña), con CIF Q1518001A e domicilio social na Praza do Obradoiro s/n, 15782 de Santiago de Compostela, actuando no nome e representación desta, en virtude do Decreto 62/2014, do 28 de maio, do seu nomeamento e polas facultades que lle confire a Lei Orgánica 6/2001, do 21 de decembro, de Universidades, e o Decreto 14/2014, de 30 de xaneiro, polo que se aproban os estatutos da Universidade de Santiago de Compostela, e

don Manuel Joaquín Reigosa Roger, reitor da Universidade de Vigo, con CIF Q86S0002-B e domicilio social Campus Universitario, 36.310 de Vigo (Pontevedra), actuando no nome e representación desta en virtude do Decreto 47/2014, do 24 de abril, do seu nomeamento e polas facultades que lle confire a Lei Orgánica 6/2001, do 21 de decembro, de Universidades, e o Decreto 7/2010, do 14 de xaneiro, polo que se aproban os estatutos da Universidade de Vigo.

E, doutra parte, dona Aida Blanco Arias, en calidade de representante legal da Asociación AMINO.Gal, acreditado con poder notarial bastante, con CIF G27805522 e con domicilio social na rúa Rúa Policarpo Sanz núm. 17, 2º B, 36201 de Vigo.





Todas as partes interveñen no nome e representación das súas respectivas institucións no exercicio das competencias que lles están legalmente atribuídas, recoñecendo mutua e reciprocamente capacidade para obrigarse mediante o presente convenio nos termos que nel se conteñen e, para o efecto,

EXPOÑEN

Primeiro. As Administracións públicas poden celebrar convenios de colaboración con outras entidades públicas, así como con persoas xurídicas suxeitas ao dereito privado, ao abeiro do disposto nos artigos 47 e seguintes da Lei 40/2015, do 1 de outubro, de réxime xurídico do sector público, no artigo 6 da Lei 9/2017, do 8 de novembro, de contratos do sector público, pola que se traspoñen ao ordenamento xurídico español as directivas do Parlamento Europeo e do Consello 2014/23/UE e 2014/24/UE, do 26 de febreiro de 2014, e máis no Acordo do Consello da Xunta do 27 de marzo de 1991, sobre convenios de cooperación con outros entes públicos e de colaboración con particulares, feito público por Resolución da Consellería de Economía e Facenda do 8 de abril de 1991.



Segundo. A Constitución Española dispón no artigo 39, entre os principios reitores da política social e económica, a obriga dos poderes públicos para asegurar a protección social, económica e xurídica da familia, sinalando igualmente que os menores deberán gozar da protección prevista nos acordos internacionais, entre os que deben incluírse os dereitos recoñecidos á infancia pola Convención sobre os Dereitos do Neno, aprobada pola Asemblea Xeral das Nacións Unidas o 20 de novembro de 1989 e en vigor en España desde o 5 de xaneiro de 1991.

Terceiro. A Comunidade Autónoma de Galicia, segundo o disposto no artigo 27.23 do seu Estatuto de Autonomía, ten competencia exclusiva en materia de



asistencia social, sendo aprobadas en virtude da dita competencia a Lei 13/2008, do 3 de decembro, de servizos sociais de Galicia e a Lei 3/2011, do 30 de xuño, de apoio á familia e á convivencia de Galicia.

Cuarto. A Consellería de Política Social é o órgano da Administración xeral da Comunidade Autónoma de Galicia ao cal lle corresponde propoñer e executar as directrices xerais do Goberno no ámbito do benestar, que engloban as competencias en materia de servizos sociais, incluíndo as políticas de familia e menores.

En concreto, a través da Dirección Xeral de Familia, Infancia e Dinamización Demográfica, ten asumido entre as súas competencias, segundo o artigo 13. 1. a) e b) do Decreto 176/2015, do 3 de decembro, polo que se establece a estrutura orgánica da Consellería de Política Social, o exercicio das políticas autonómicas en materia de acción social de apoio á familia, á infancia e adolescencia, e en concreto, a protección e a tutela das persoas menores en situación de risco ou desamparo nos termos establecidos no Código Civil, na Lei Orgánica 1/1996, do 15 de xaneiro, de protección xurídica do menor, de modificación parcial do Código Civil e da Lei de axuízamento civil e, no ámbito da Comunidade Autónoma de Galicia, a Lei 13/2008, do 3 de decembro, a Lei 3/2011, do 30 de xuño, e o Decreto 42/2000, do 7 de xaneiro, polo que se refunde a normativa reguladora vixente en materia de familia, infancia e adolescencia.



Quinto. A Convención das Nacións Unidas sobre os Dereitos do Neno recoñece o dereito de todos os nenos e nenas a ser protexidos de "toda forma de explotación sexual e abuso sexual". Sen embargo, estímase que 1 de cada 5 nenos é vítima de explotación ou abuso sexual polo menos unha vez na súa vida: isto inclúe distintos graos de agresión sexual, ademais de pornografía e prostitución.

Segundo a organización "Save The Children", estímase que un 23% das nenas e un 15% dos nenos sofre abusos sexuais antes dos 17 anos en España.



XUNTA DE GALICIA

CONSELLERÍA DE POLÍTICA
SOCIAL

Dirección Xeral de Familia, Infancia
e Dinamización Demográfica

galicia

Ademais hai unha serie de factores clave que inflúen decisivamente nas dificultades de denuncia e persecución. Trátase de delitos que cometen as persoas de máis confianza dos menores, exercendo un poder que eles non poden controlar, sendo moitas veces inconscientes do que lles está ocorrendo. Con todo, estes feitos velados e moitas veces silenciados, producen uns efectos psicolóxicos devastadores así como unha nefasta influencia no seu desenvolvemento evolutivo.

Corresponde aos poderes públicos romper este círculo vicioso e protexer aos nenos e nenas da violencia sexual. Requírense accións apropiadas a nivel lexislativo, administrativo e político. Resolto a contribuír de maneira efectiva á meta común de protexer aos nenos e de proporcionar apoio ás vítimas, o Consello de Europa redactou o Convenio para a protección dos nenos contra a explotación sexual e o abuso sexual (Convenio de Lanzarote).

Este instrumento de gran alcance é o primeiro tratado internacional que esixe medidas lexislativas de carácter penal na materia, inclusive para os abusos cometidos dentro do propio fogar ou a familia. A este respecto, o Convenio pecha as lagoas na lexislación europea e é un excelente recurso con miras a harmonizar de maneira eficiente a lexislación nacional.

O punto central deste Convenio é a protección dos nenos: céntrase na súa totalidade nos seus dereitos, asegura o seu benestar, dá prioridade ás súas necesidades, considera as súas perspectivas e actúa a favor do interese superior do menor.

O Convenio de Lanzarote entrou en vigor de forma xeral o 1 de xullo de 2010 e entrou en vigor en España o 1 de decembro do mesmo ano.

O 29 de novembro do ano 2010 o Consello de Europa inicia en Roma a Campaña contra a violencia sexual infantil “Un de cada Cinco”, que persegue os seguintes obxectivos:





XUNTA DE GALICIA

CONSELLERÍA DE POLÍTICA
SOCIAL

Dirección Xeral de Familia, Infancia
e Dinamización Demográfica

galicia

- Promover a firma, ratificación e aplicación do Convenio do Consello de Europa para a protección dos nenos contra a explotación e o abuso sexual.
- Proporcionar aos nenos, ás súas familias e coidadores e á sociedade, coñecementos e ferramentas para previr a violencia sexual contra os nenos, nenas e adolescentes e, deste modo, crear conciencia acerca de todo o que constitúe violencia sexual contra as persoas menores de idade.
- Acadar que todos os sectores, ámbitos e axentes directa e indirectamente relacionados coa atención a nenos, nenas e adolescentes se involucren na prevención do abuso sexual contra persoas menores de idade, creando unha rede de prevención.

En España a Campaña está a ser coordinada pola Federación de Asociacións para a Prevención do Maltrato Infantil (FAPMI) coa colaboración do Ministerio de Sanidade, Consumo e Benestar Social.

Sexto. Entre os principios reitores dos poderes públicos de Galicia o artigo 38 da Lei 3/2011, do 30 xuño, recolle o fomento da solidariedade e a sensibilidade social ante as dificultades que afecten á infancia e á adolescencia, ao obxecto de previr a marxinación e a explotación infantil, así como calquera manifestación de abuso, acoso e maltrato físico, psíquico ou emocional, e impulsar o papel da sociedade civil na defensa dos dereitos e liberdades das e dos menores.

A Lei 10/2011, do 28 de novembro, de acción voluntaria, de Galicia, ten por obxecto a ordenación e o fomento da participación solidaria e altruísta da cidadanía nas actividades de acción voluntaria organizadas por entidades de acción voluntaria ou directamente pola Administración autonómica ou pola Administración local para o desenvolvemento de programas concretos, entre eles actividades vinculadas coas acción social e cos servizos sociais de defensa dos dereitos da infancia.





Así mesmo, ten por obxecto regular as relacións que, con respecto ás devanditas actividades, se poidan establecer entre as persoas voluntarias, as entidades de acción voluntaria e as persoas destinatarias da acción voluntaria e as administracións públicas de Galicia.

No mes de novembro de 2014 a Xunta de Galicia adheriuse formalmente á Campaña 1 de cada 5, o que supón un apoio das diferentes áreas de atención social, educativa, sanitaria, xudicial ou de seguridade ás nenas e nenos vítimas de agresión sexual.

Sétimo. A Consellería de Educación, Universidade e Formación Profesional é o órgano da Administración da Comunidade Autónoma de Galicia a quen lle corresponden as competencias e funcións en materia de planificación, regulación e administración do ensino regrado en toda a súa extensión, niveis e graos, modalidades e especialidade.

Oitavo. As Universidades da Coruña, Santiago e Vigo son institucións públicas dotadas de personalidade xurídica e patrimonio propio que gozan de autonomía de acordo coa Constitución e a lei, ás que lles corresponde, no ámbito das súas respectivas competencias, o servizo público de educación superior, mediante a investigación, a docencia e o estudo.

As tres universidades conciben a súa finalidade esencial como un servizo público de calidade orientado a conseguir maiores niveis de benestar para o conxunto da sociedade por medio da busca, entre outros, de avances sociais, nun marco de valores éticos xeralmente aceptados, orientados ao ben común.

Entre as funcións prioritarias das tres universidades está a difusión, a valorización e a transferencia do coñecemento ao servizo da cultura, da calidade da vida e do desenvolvemento económico.

Noveno. A Asociación “Abuso y Maltrato Infantil No. Galicia. AMINO.Gal” foi constituída o 26 de xuño do ano 2014 por un grupo de profesionais de diferentes





ámbitos (sanidade, educación, servizos sociais, xustiza...) da Comunidade Autónoma de Galicia. É unha asociación sen ánimo de lucro que se rexe polos seus estatutos e pola Lei orgánica 1/2002, do 22 de marzo, reguladora do dereito de asociación é demais normativa aplicable.

No seu estatuto contéplase entre os seus fins a sensibilización, información, asesoramento e promoción sobre o maltrato infantil.

A Asociación “Abuso y Maltrato Infantil No. Galicia. AMINO.Gal”, está inscrita no Rexistro Único de Entidades Prestadoras de Servizos Sociais con número de rexistro E6219, desde o 22/07/2015, como asociación de iniciativa social.

Ademais, AMINO.Gal é a única asociación galega que pertence á Federación de Asociacións para a Prevención dos Maltrato Infantil (FAPMI).

Décimo. Os intereses converxentes das partes asinantes exclúen o ánimo de lucro e non poden satisfacerse axeitadamente mediante a celebración dun contrato dos recollidos na Lei 9/2017, do 8 de novembro, de contratos do sector público, pola que se traspoñen ao ordenamento xurídico español as directivas do Parlamento Europeo e do Consello 2014/23/UE e 2014/24/UE, do 26 de febreiro de 2014, ou doutro instrumento alleo á natureza estritamente convencional.

Décimo primeiro. Todas as partes expresan a súa vontade de colaborar conxuntamente, dentro do ámbito propio de cada unha delas, en iniciativas e accións de interese común. E é desexo de todas as entidades subscribir un acordo para difundir a Campaña do Consello de Europa “Un de cada Cinco” de prevención contra a violencia sexual contra a infancia en Galicia, concienciar ao profesorado e as familias sobre o abuso sexual infantil na nosa sociedade e proporcionar ferramentas de prevención ao profesorado, alumnado e familias.

Décimo segundo. O programa adecúase ao ámbito competencial da Consellería de Política Social e complementa de xeito importante os programas que esta desenvolve no eido da protección dos menores. Tendo en conta a especificidade





XUNTA DE GALICIA

CONSELLERÍA DE POLÍTICA
SOCIAL

Dirección Xeral de Familia, Infancia
e Dinamización Demográfica

galicia

da actividade que se vai financiar, por razón do colectivo ao que vai dirixida e a ausencia no ámbito territorial de entidades que dispoñan de infraestrutura material e dos medios humanos esixibles, considérase idónea á Asociación AMINO.Gal pola súa experiencia no ámbito da formación, asesoramento e atención ás familias, a organización de xornadas e seminarios, así como a impartición de cursos a diferentes perfís profesionais.

Tamén se considera fundamental a participación da Consellería de Educación, Universidade e Formación Profesional e das Universidades da Coruña, Santiago e Vigo.

As tres universidades galegas pola súa sensibilidade ante as necesidades da sociedade e a súa colaboración con todos os axentes sociais e entidades públicas e privadas para estudar, diagnosticar e aportar solucións aos retos presentados por ela, contando ademais con recursos humanos e estrutura suficiente e con espazos axeitados nos que desenvolver as actividades obxecto deste convenio nas Facultades de Ciencias da Educación das tres universidades.

De acordo co artigo 2.1.c) da Lei 9/2007, do 13 de xuño, de subvencións de Galicia, o proxecto financiado ten por obxecto o fomento e desenvolvemento dunha actividade de interese social. Ademais, o artigo 19.4.c) da mesma lei establece que, con carácter excepcional, subvencionaranse aquelas actuacións que acrediten razóns de interese social e humanitario.

Así mesmo, o artigo 31.2 en relación co artigo 55 da Lei 13/2008, do 3 de decembro, de servizos sociais de Galicia habilita, por razóns de interese público e debidamente xustificadas, a subscripción de convenios singulares con entidades de iniciativa social debidamente autorizadas para a prestación de servizos sociais cando por razóns humanitarias ou de emerxencia social, ou ben cando pola singularidade das características da entidade, a especificidade dos servizos que presta ou a especial vulnerabilidade das persoas usuarias, non sexa posible ou conveniente promover a concorrência pública, como é o caso. A





En virtude do exposto, as partes outorgan e subscriben de mutuo acordo o presente convenio de colaboración que desenvolverase de acordo coas seguintes

CLÁUSULAS

PRIMEIRA. OBXECTO

O obxecto deste convenio establecer o marco de colaboración entre a Consellería de Política Social, a Asociación “Abuso y Maltrato Infantil No. Galicia. AMINO.Gal”, a Consellería de Educación, Universidade e Formación Profesional, a Universidade da Coruña, a Universidade de Santiago de Compostela e a Universidade de Vigo para o desenvolvemento na Comunidade Autónoma de Galicia do programa “POÑENDO AS LENTES PARA A PROTECCIÓN DA INFANCIA”, programa que leva a cabo a Asociación AMINO. Gal para a difusión da Campaña do Consello de Europa para a prevención da violencia sexual contra a infancia “UN DE CADA CINCO” en centros de ensinanza de educación infantil, primaria e educación especial das cidades da Coruña, Lugo, Ourense, Pontevedra, Santiago de Compostela, Ferrol e Vigo.

Para desenvolver o dito programa será necesario en primeiro termo formar a voluntarios que serán os encargados de difundir a campaña “ UN DE CADA CINCO” nos centros educativos de ensino infantil, primaria e especial, e nunha segunda fase, difundir a dita campaña, en primeiro lugar nos centros educativos das cidades da Coruña, Lugo, Ourense e Vigo no curso 2018/19 e no curso 2019/2020 nas cidades de Ferrol, Santiago de Compostela e Pontevedra.

SEGUNDA. DESTINATARIOS/AS

As persoas destinatarias do programa son:





- Persoas destinatarias e beneficiarias directas:
 - 1ª Fase: o profesorado de todos os centros de ensino infantil, primario e especial, tanto públicos como privados das cidades da Coruña, Ourense, Lugo e Vigo.
 - 2ª Fase: o profesorado de todos os centros de ensino infantil, primario e especial, tanto públicos coma privados das cidades de Ferrol, Santiago de Compostela e Pontevedra.

- Persoas destinatarias e beneficiarias indirectas:

O alumnado dos devanditos centros educativos e as familias.

TERCEIRA. OBXECTIVOS E CONTIDO

Os obxectivos do programa son:

- Concienciar e sensibilizar ao profesorado e as familias sobre o abuso sexual infantil na nosa sociedade.
- Proporcionar ferramentas de prevención do abuso sexual ao profesorado, alumnado e ás familias.
- Proporcionar ferramentas de detección do abuso sexual ao profesorado e ás familias.
- Dar a coñecer a mensaxe e os materiais da campaña do Consello e de Europa “Un de cada Cinco”.

A execución do programa comprenderá os seguintes contidos:

- A organización de dúas xornadas divulgativas-informativas da Campaña “Un de cada Cinco” en cada unha das Facultades de Ciencias da Educación de Galicia destinadas aos alumnos de 2º e 3º curso de grado unha no curso académico 2018/19 e outra no curso académico 2019/20, co





fin de constituír un grupo de voluntarios encargados da difusión do programa.

- A formación dos voluntarios entre o alumnado universitario interesado en participar no programa.

Os contidos da formación e os formadores serán achegados pola Federación de Asociacións para a Prevención do Maltrato Infantil (FAPMI) do que forma parte a Asociación AMINO.Gal, seguindo os criterios propios da Federación. A dita formación será acreditada tamén por FAPMI e máis polo Ministerio de Educación, Cultura e Deporte.

Os voluntarios recibirán un total de 60 horas das cales 40 horas serán de formación troncal (30 horas a distancia + 10 horas presenciais) e 20 horas de formación específica (10 horas a distancia + 10 horas presenciais).

A formación presencial terá lugar nas cidades de A Coruña e Pontevedra en dúas sesións.

- Presentación da campaña “Un de cada Cinco” a través da utilización do material da campaña aos equipos docentes dos centros de ensino infantil, primario e de educación especial das sete grandes cidades.

O detalle correspondente ás actividades indicadas anteriormente e a súa programación reflíctese no anexo II.

CUARTA. COMPROMISOS DA CONSELLERÍA DE POLÍTICA SOCIAL

Para o desenvolvemento do programa a Consellería de Política Social, a través da Dirección Xeral de Familia, Infancia e Dinamización Demográfica, comprométese a:

1. Colaborar na organización e difusión do programa a través da páxina web e de publicacións.





2. Ofrecer soporte e asesoramento ao equipo responsable da execución do programa, tanto no desenvolvemento deste como nas dificultades que xurdan durante as diferentes actuacións, e levar a cabo xuntanzas de traballo, cando sexan necesarias.
3. Supervisar todas as actuacións referidas ao desenvolvemento do programa que son competencia da Consellería.

QUINTA. COMPROMISOS DA ASOCIACIÓN AMINO.GAL

A Asociación AMINO.Gal deberá cumprir cos requisitos e as obrigas establecidos nos artigos 10 e 11 da Lei 9/2007, do 13 de xuño, de subvencións de Galicia, no que respecta ao desenvolvemento do programa obxecto deste convenio, e comprométese ademais a:

1. Nomear as persoas coordinadoras por zonas. Zona norte: A Coruña e Lugo. Zona sur: Ourense e Pontevedra.
2. Organizar dúas xornadas divulgativas-informativas da Campaña “Un de cada Cinco” en cada unha das Facultades de Ciencias da Educación de Galicia destinadas aos alumnos de 2º e 3º curso de grao.
3. Formar os voluntarios entre o alumnado universitario.
4. Formar os grupos de traballo de voluntarios.
5. Difundir o programa mediante a edición de cartelería, dípticos e folletos, a creación dunha páxina web específica e a presenza en redes sociais.
6. Realizar un seguimento da difusión da campaña nos centros educativos.
7. Realizar unha avaliación final do programa, aportando unha análise cuantitativa e cualitativa.
8. Coordinarse coa Consellería de Educación, Universidade e Formación Profesional para organizar as xornadas de formación nos centros educativos de Educación Infantil, Primaria e Especial.





9. Coordinarse coas Universidades da Coruña, Santiago de Compostela e Vigo para a organización das dúas xornadas de difusión-información da Campaña “Un de cada Cinco” nas Facultades de Ciencias da Educación.
10. Coordinarse coa Dirección Xeral de Familia, Infancia e Dinamización Demográfica da Consellería de Política Social para o correcta difusión e desenvolvemento do programa.
11. Desenvolver o programa tendo en conta a lexislación vixente en materia de protección de menores e a primacía do superior interese do menor sobre calquera outro.
12. Elaborar unha memoria anual dentro do mes seguinte á finalización do Convenio, que inclúa como mínimo as actividades realizadas, os recursos empregados e a valoración global de resultados.
13. En virtude do disposto no artigo 4 da Lei 1/2016, do 18 de xaneiro, de transparencia e bo goberno, subministrar á Administración, ao organismo ou á entidade das previstas no artigo 3.1 da Lei 1/2016 á que se atopen vinculadas, previo requirimento, toda a información necesaria para o cumprimento por aquela das obrigas previstas no Título I da citada lei.
14. Asumir todas as obrigas establecidas na Lei 10/2011, do 28 de novembro, de acción voluntaria, e especialmente as recollidas no seu artigo 11.
15. Respetar os dereitos das persoas voluntarias recollidos no artigo 7 da antedita Lei de acción voluntaria de Galicia.
16. Estar inscrita no Rexistro de entidades de acción voluntaria, en cumprimento do establecido no artigo 33 da Lei 10/2011, do 28 de novembro, de Acción Voluntaria, así como no artigo 4 da Orde do 14 de marzo de 2014, pola que se regula o Rexistro de Acción Voluntaria de Galicia, que desenvolve a antedita lei, como requisito indispensable para





acceder ás axudas e subvencións, así como para subscribir convenios coas administracións públicas de Galicia en materia de voluntariado.

SEXTA. COMPROMISOS DA CONSELLERÍA DE EDUCACIÓN, UNIVERSIDADE E FORMACIÓN PROFESIONAL

Para o desenvolvemento do programa a Consellería de Educación, Universidade e Formación Profesional facilitará á asociación AMINO.Gal a organización das xornadas de divulgación, sensibilización nos distintos centros de Educación Infantil, Primaria e Educación Especial. Estas xornadas terán como obxectivo proporcionar ferramentas de prevención e detección do abuso sexual ao profesorado, alumnado e ás familias

SÉTIMA. COMPROMISOS DAS UNIVERSIDADES DA CORUÑA, SANTIAGO DE COMPOSTELA E VIGO

Para o desenvolvemento do programa as Universidades da Coruña, Santiago de Compostela e Vigo comprométense a:

- Facilitar, de forma desinteresada e sen custo algún, os espazos axeitados para a realización das xornadas divulgativas-informativas da Campaña “Un de Cada Cinco” e a formación dos alumnos interesados en cada unha das Facultades de Ciencias da Educación.
- Facilitar a participación dos alumnos de 2º e 3º curso de grao nas xornadas divulgativas-informativas.



OITAVA. PERSOAL PARA O DESENVOLVEMENTO DO PROGRAMA

Para o desenvolvemento do programa a Asociación AMINO.Gal disporá de persoal especializado de acordo co seguinte:

1. Persoal coordinador.



A Xunta Directiva de AMINO.Gal designará dous coordinadores/as do programa, un/unha para a zona norte e outro/a para a zona sur, preferentemente entre os seus membros.

O persoal coordinador desenvolverá-as seguintes funcións:

- Dirixirá o proxecto na súa zona e responsabilizarse da súa execución.
- Planificará unha axenda de reunións periódicas ao longo do desenvolvemento do programa coas persoas voluntarias da súa zona de maneira que promova o sentido de traballo en equipo e facilite o seguimento.
- Transmitirá á Xunta Directiva de AMINO.Gal a información actualizada sobre a execución do programa.

2. Persoal voluntario.

Unha vez celebrada as xornadas divulgativas-formativas da Campaña “Un Da cada Cinco” en cada unha das facultades de Ciencias de Educación de Galicia o equipo coordinador seleccionara as persoas voluntarias de entre aqueles que se inscribiron nestas xornadas. O equipo coordinador será o encargado de formar a este persoal logo da súa selección. Terase en conta a súa dispoñibilidade e a realización da formación completa.

O persoal voluntario desenvolverá as seguintes funcións:

- Presentar a campaña nos centros que lle sexan asignados.
- Cubrir os formularios de indicadores para a memoria e avaliación final.
- Dar contas de calquera incidencia ao/á seu/súa coordinador/a.

O persoal voluntario contará co certificado de estar carente de antecedentes por delitos de natureza sexual.

A entidade AMINO.Gal debe asegurar as persoas voluntarias mediante póliza que cubra o risco de accidentes da propia persoa voluntaria, así como polos danos





e prexuízos causados a terceiros, derivados directamente da súa acción voluntaria (artigo 7.g) da Lei 10/2011). Así mesmo, reembolsarlles ou compensarlles dos gastos realizados no desenvolvemento das súas accións voluntarias, nos termos previamente acordados (artigo 7.h)).

O persoal que a Asociación AMINO.Gal poña a disposición deste programa en ningún caso actuará baixo a dependencia da Consellería de Política Social, debendo ser a citada entidade a que imparta as oportunas ordes aos seus traballadores e traballadoras e o persoal voluntario e a que exerza respecto destes o correspondente poder de dirección, conservando os dereitos, obrigas, riscos e responsabilidades inherentes a súa condición de empregadora.

A sinatura do presente convenio non implicará relación laboral ou de calquera outra natureza entre as persoas que o desenvolvan e a Consellería de Política Social, polo que non se lle poderá esixir a esta, responsabilidade ningunha por estes conceptos, nin directa nin subsidiaria.

NOVENA. CONDICIÓNS ECONÓMICAS

Para a realización de actuacións obxecto do presente convenio a Consellería de Política Social achegará a cantidade de cento dous mil seiscentos sete euros con oitenta céntimos de euro (**102.607,81 €**), con cargo á aplicación orzamentaria **12.02.312B.481.0**, distribuído nas seguintes anualidades:

Ano 2018: 25.890,50 €. Ano 2019: 48.171,81 €. Ano 2020: 28.545,50 €

Así mesmo, a Asociación AMINO.Gal comprométese a achegar a cantidade de dous mil oitocentos sesenta e catro euros (2.864 €) procedentes de subvención da FAPMI.

A dita achega económica limitarase á compensación de gastos e en ningún caso supón beneficio económico para as entidades convenientes.

A devandita cantidade destinarase a soportar os gastos que aparecen desagregados no Anexo I deste convenio. Non obstante, poderanse admitir





XUNTA DE GALICIA

CONSELLERÍA DE POLÍTICA
SOCIAL

Dirección Xeral de Familia, Infancia
e Dinamización Demográfica

galicia

variacións no importe da partida sinalada, sempre que a cantidade total achegada por cada unha das partes no convenio non varíe.

Estas axudas son compatibles con outras subvencións, axudas, ingresos ou recursos para a mesma finalidade, procedentes de calquera Administración ou entes públicos ou privados, nacionais, da Unión Europea ou de organismos internacionais.

O importe das subvencións en ningún caso poderán ser de tal contía que, illadamente ou en concorrencia con outras subvencións, axudas, ingresos ou recursos, supere o custo da actividade subvencionada.

O pagamento da cantidade achegada pola Consellería de Política Social realizarase, en aplicación dos artigos 62 e 63 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, do seguinte xeito:

Ano 2018: **25.890,50 €**

Poderanse realizar pagamentos a conta, ata un máximo de 20.712,40 € (80% da cantidade subvencionada no 2018), a medida que se xustifique a realización das actividades descritas neste convenio.

De esta cantidade:

- 15.000,00 €. Serán satisfeitos como anticipo no intre no que se asine o convenio para cubrir custos por gastos inmediatos para a posta en marcha do programa. O emprego desta cantidade xustificárase mediante facturas antes do derradeiro pagamento.
- 5.712,40 € Ata o límite desta cantidade poderanse realizar parcialmente a medida que se xustifique a realización de actividades descritas neste convenio.

Os 5.178,10 € (20% da cantidade subvencionada) restantes, pagaranse unha vez xustificada a realización da totalidade da actividade subvencionada no ano 2018.

Ano 2019: 48.171,81 €





Poderanse realizar pagamentos parciais a conta, ata un máximo de 38.537,45 (80% da cantidade subvencionada no 2019), a medida que se xustifique a realización das actividades descritas neste convenio.

Os 9.634,36 € (20% da cantidade subvencionada) restantes, pagaranse unha vez xustificada a realización da totalidade da actividade subvencionada no ano 2019.

Ano 2020: 28.545,50 €

Poderanse realizar pagamentos parciais a conta, ata un máximo de 22.836,40 € (80% da cantidade subvencionada no 2020), a medida que se xustifique a realización das actividades descritas neste convenio.

Os 5.709,10 € (20% da cantidade subvencionada) restantes, pagaranse unha vez xustificada a realización da totalidade da actividade subvencionada no ano 2020.

A este respecto, esta entidade queda exonerada de constituír as garantías a que fan referencia os artigos 62.3 e 67 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, por tratarse duna entidade das características determinadas no artigo 65.4 f) do dito Decreto.

A actividade e os gastos que poidan ser subvencionables deben xustificarse de conformidade co previsto no Decreto 11/2009, do 8 de xaneiro. Para tal efecto debe presentarse:

1. Unha memoria de actuación xustificativa do cumprimento das condicións impostas na concesión da subvención, coa indicación das actividades realizadas e dos resultados obtidos.
2. Unha memoria económica xustificativa do custo das actividades realizadas, que conterà:
 - a) Unha relación clasificada dos gastos e investimentos da actividade, coa identificación do acredor e do documento, o importe, a data de





emisión e, no seu caso, data do pago. No caso de que a subvención se outorgara consonte a un orzamento, indicaranse as desviacións producidas.

- b) As facturas ou documentos de valor probatorio equivalente no tráfico xurídico-mercantil ou con eficacia administrativa incorporados na relación á que se fai referencia no apartado anterior e a documentación acreditativa do pago. Estes documentos serán cotexados por parte do órgano encargado do control da documentación presentada, e estampados cun selo que acredite a súa imputación ao convenio.
 - c) Os documentos acreditativos dos gastos realizados con medios ou recursos propios e a indicación, no seu caso, dos criterios de reparto dos custos xerais e/ou indirectos incorporados na relación a que se fai referencia na letra a), agás naqueles casos no que as bases reguladoras da subvención teñan previsto a súa compensación mediante un tanto alzado sen necesidade de xustificación.
 - d) Os tres orzamentos que, en aplicación do art. 29.3º da Lei 9/2007, do 13 de xuño, de subvencións Galicia, deba solicitar a entidade beneficiaria.
3. En canto aos custos salariais, a entidade AMINO.Gal deberá presentar, referida á mensualidade ou mensuralidades polas que se solicita, a seguinte documentación:
- a) Relación nominal dos/as traballadores/as que se inclúen como xustificación do programa subvencionado.
 - b). Recibos de salarios.
 - c) Documentos TC2 e TC1 dos/as traballadores/as correspondentes ao meses imputados.





d) Impresos de liquidación nominal do IRPF (modelos 111 e 190).

Todos os documentos anteriores deberán ir acompañados polo xustificante da transferencia ou cargo bancario correspondente que acredite a realización do seu pago.

A cantidade que se imputará á actividade subvencionada será do 100% do gasto do/a técnico, cando este/a dedica o total da xornada a desenvolver tarefas das actuacións subvencionadas; no caso de dedicación inferior á xornada contratada, o gasto imputado será proporcional á súa dedicación ás actuacións subvencionadas. A tal efecto se non se atopase diferenciado na nómina e nesta se inclúsen outros conceptos retributivos, achegarase un cálculo xustificativo da imputación efectuada segundo o criterio de horas da actuación realizada en relación co total de horas traballadas.

A subvención cubre os gastos salariais e de Seguridade Social, polo que as liquidacións, complementos extrasalariais ou indemnización de fin de contrato non se poden imputar.

Tampouco serán subvencionables, as vacacións pagadas, pero non gozadas, nin as horas extras ou traballos realizados fóra da xornada habitual de traballo.

Nas baixas por IT e maternidade:

- No caso de substitución do/a traballador/a titular subvencionaranse os custos que ocasiona o/a traballador/a que substitúe ao traballador ou á traballadora titular.
- No caso de que non se substitúa o/a traballador/a titular, o importe non usado deberá reintegrarse na súa totalidade (excepto a liquidación das pagas extras cando o convenio colectivo de aplicación recolla para este suposto a obrigatoriedade do seu pagamento).





4. En canto á xustificación do cumprimento de estar ao corrente das súas obrigas tributarias e fronte á Seguridade Social, a entidade AMINO.Gal autoriza á Dirección Xeral de Familia, Infancia e Dinamización Demográfica a súa verificación a través dos medios electrónicos dispoñibles.

O prazo máximo de xustificación é o 20 de decembro de cada ano de vixencia do convenio. No caso da xustificación relacionada cós pagos dos salarios do mes de decembro, (TC1, TC2, etc.) a presentación de ditos xustificantes poderá facerse durante o mes de xaneiro do ano seguinte.

A entidade AMINO.Gal, no momento da xustificación da execución total do proxecto e, en calquera caso, antes do derradeiro pagamento, presentará unha declaración de todas as axudas solicitadas para este mesmo programa, tanto aprobadas ou concedidas como as pendentes de resolución, das distintas Administracións públicas competentes ou das súas entidades vinculadas ou dependentes.

DÉCIMA. XUSTIFICACIÓN E CONTROL

A Asociación AMINO.Gal someterase ás actuacións de comprobación que a Consellería de Política Social poida requirirlle para a debida xustificación da axuda concedida e do cumprimento dos fins deste convenio, ás de control financeiro que corresponden á Intervención Xeral da Comunidade Autónoma en relación coas subvencións e axudas concedidas e ás previstas na lexislación do Tribunal de Contas e do Consello de Contas.

Así mesmo, suxeitarase ao disposto nos artigos 11 c) da Lei 9/2007, do 13 de xuño de subvencións de Galicia e 14 c) da Lei 38/2003, do 17 de decembro, xeral de subvencións, ademais de comprometerse ao cumprimento do resto das obrigas do artigo 11 da citada Lei 9/2007.





XUNTA DE GALICIA

CONSELLERÍA DE POLÍTICA
SOCIAL

Dirección Xeral de Familia, Infancia
e Dinamización Demográfica

galicia

A Asociación AMINO.Gal deberá conservar os documentos xustificativos da aplicación dos fondos recibidos, incluídos os documentos electrónicos, en tanto poidan ser obxecto das actuacións de comprobación e control.

DÉCIMO PRIMEIRA. PROTECCIÓN DE DATOS E CONFIDENCIALIDADE

As partes asinantes virán obrigadas en materia de protección de datos a cumprir co Regulamento (UE) 2016/679 do Parlamento Europeo e do Consello de 27 de abril de 2016, relativo á protección das persoas físicas no que respecta ao tratamento de datos persoais e a libre circulación destes datos e polo que se derroga a Directiva 95/46/CE (Regulamento xeral de protección de datos) e demais disposicións vixentes sobre a materia, adoptando as medidas que resulten necesarias para cumprir as súas previsións e, en particular, para garantir a seguridade e integridade dos datos e a súa protección fronte a alteracións, perdas, tratamentos ou accesos non autorizados.

Os datos persoais recadados no procedemento de concesión da subvención serán tratados na súa condición de responsable pola Xunta de Galicia -Consellería de Política Social- coas finalidades de levar a cabo a tramitación administrativa que se derive da súa xestión.

O tratamento dos datos baséase no cumprimento dunha misión de interese público ou no exercicio de poderes públicos, conforme a normativa recollida nas cláusulas do convenio e na ficha do procedemento incluída na Guía de Procedementos e Servizos e nas referencias recollidas en <https://www.xunta.gal/proteccion-datos-persoais>. Con todo, determinados tratamentos poderán fundamentarse no consentimento das persoas interesadas.

Os datos serán comunicados ás Administracións públicas no exercicio das súas competencias, cando sexa necesario para a execución do dito convenio ou para que





os cidadáns poidan acceder de forma integral á información relativa a unha materia.

A Asociación AMINO.Gal, a Consellería de Educación, Universidade e Formación Profesional, a Universidade da Coruña, a Universidade de Santiago de Compostela e a Universidade de Vigo tratarán os datos coas finalidades e os usos exclusivamente precisos para a execución deste convenio, polo que non poderán ser usados para un fin distinto. Os datos persoais aos que teña acceso non serán comunicados a terceiros, nin sequera para a súa conservación.

A fin de darlle a publicidade esixida ao procedemento, a publicidade dos datos identificativos das persoas interesadas estará sujeta la cumplimiento de la normativa de transparencia, de subvenciones con las limitaciones que al efecto procedan, a través dos distintos medios de comunicación institucionais dos que dispón a Xunta de Galicia como Diarios Oficiais, páxinas web ou taboleiros de anuncios.

As persoas interesadas poderán acceder, rectificar e suprimir os seus datos, así como exercitar outros dereitos ou retirar o seu consentimento, a través da sede electrónica da Xunta de Galicia ou presencialmente nos lugares e rexistros establecidos na normativa reguladora do procedemento administrativo común, segundo se explicita na información adicional recollida en <https://www.xunta.gal/proteccion-datos-persoais>.

DÉCIMO SEGUNDA. COMISIÓN MIXTA DE SEGUIMIENTO

Para o seguimento da execución do convenio e o coñecemento de calquera cuestión sobre a súa interpretación, modificación, resolución ou efectos que poida xurdir, prevese a creación dunha comisión mixta conforme ao establecido na Lei 40/2015, do 1 de outubro, de réxime xurídico do sector público e que estará integrada por representantes das partes. No caso de persistir as desavinzas, elevarase a resolución do conflito ao titular da Consellería de Política Social.



A comisión mixta estará formada polos seguintes membros:

- Dous representantes da Consellería de Política Social e os respectivos suplentes, designados polo titular da Consellería de Política Social.
- Dous representantes da Consellería de Educación, Universidade e Formación Profesional e os respectivos suplentes, designados polo titular da Consellería de Educación, Universidade e Formación Profesional.
- Dous representantes da Universidade de Santiago de Compostela e os respectivos suplentes, designados polo reitor da Universidade de Santiago de Compostela.
- Dous representantes da Universidade da Coruña e os respectivos suplentes, designados polo reitor da Universidade da Coruña.
- Dous representantes da Universidade de Vigo e os respectivos suplentes, designados polo reitor da Universidade de Vigo.
- Dous representantes da Asociación AMINO.Gal e os respectivos suplentes, designados pola súa presidencia.

Actuará como secretario/a, con voz pero sen voto, un/unha funcionario/a da Dirección Xeral de Familia, Infancia e Dinamización Demográfica.

A Comisión reunirase polo menos dúas veces ao ano: unha trala sinatura deste convenio e outra trala edición da Memoria Anual. Ademais, reuniranse tantas veces sexa necesario por solicitude xustificada de calquera das partes.

DÉCIMO TERCEIRA. VIXENCIA

O presente convenio entrará en vigor na data da súa sinatura e estará vixente ata o 31 de decembro de 2020. Non obstante abranguerá as accións obxecto deste convenio que se realicen pola entidade desde o 1 de setembro de 2018.





A vixencia do convenio de colaboración conxuntamente coas posibles prórrogas non poderán superar os 4 anos, tal e como establece o artigo 49 da Lei 40/2015, do 1 de outubro, do réxime xurídico do sector público.

DÉCIMO CUARTA. NATUREZA XURÍDICA E CUESTIÓN LITIXIOSAS

O presente convenio ten carácter administrativo, e réxese polas cláusulas establecidas nel e, no seu defecto, polo establecido na Lei 9/2017, de 8 de novembro, de contratos do sector público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE y 2014/24/UE, do 26 de febreiro de 2014, para resolver as lagoas e dúbidas que puidesen presentarse, pola Lei 9/2007, do 13 de xuño, de subvencións de Galicia; a Lei 40/2015, do 1 de outubro de réxime xurídico do sector público, o Decreto 11/2009, do 8 de xaneiro, polo que se aproba o regulamento da Lei 9/2007 de subvencións de Galicia; a Lei 38/2003, do 17 de novembro, Xeral de Subvencións; o Regulamento da Lei xeral de subvencións, aprobado mediante o Real decreto 887/2006, do 21 de xullo; a Lei 1/2016, do 18 de xaneiro, de transparencia e bo goberno; o Decreto 126/2006, do 20 de xullo, polo que se regula o rexistro de convenios da Xunta de Galicia; o Acordo adoptado polo Consello da Xunta de Galicia na súa reunión do 27 de marzo de 1991 e feito público mediante Resolución da Consellería de Economía e Facenda do 8 de abril de 1991, sobre convenios de cooperación con outros entes públicos e de colaboración con particulares, e demais normativa xeral que lle sexa de aplicación.

En especial, o convenio quedará sometido ao disposto no artigo 11, sobre deberes dos beneficiarios, no artigo 17.3, sobre financiamento das actividades subvencionadas, no artigo 32, sobre as causas de invalidez da resolución da concesión, e no artigo 33, sobre as causas de reintegro, da referida Lei 9/2007, do 13 de xuño, de subvencións de Galicia, e no establecido ao longo das cláusulas





XUNTA DE GALICIA

CONSELLERÍA DE POLÍTICA
SOCIAL

Dirección Xeral de Familia, Infancia
e Dinamización Demográfica

galicia

deste convenio, sendo aplicables os principios da Lei 9/2017, de 8 de novembro, de contratos do sector público para resolver as dúbidas e lagoas que poidan presentarse.

As cuestións litixiosas xurdidas acerca da interpretación, modificación ou efectos do convenio que non puideran ser resoltas no seo da comisión mixta de seguimento serán resoltas polo titular da Consellería de de Política Social poñendo os seus acordos fin á vía administrativa. Contra elas cabe recurso potestativo de reposición ao abeiro dos artigos 123 e 124 da Lei 39/2015, do 1 de outubro, do procedemento administrativo común das administracións públicas, ou directamente, no prazo de dous meses, ante a Sala do Contencioso-administrativo do Tribunal Superior de Xustiza de Galicia, de conformidade co disposto na Lei 29/1998, do 13 de xullo, reguladora da xurisdición-contencioso administrativa.

DÉCIMO QUINTA. CAUSAS DE RESOLUCIÓN

Serán causas de resolución do presente convenio:

- O incumprimento dos obxectivos do programa desenvolto ao abeiro deste convenio.
- O incumprimento total ou parcial de calquera das cláusulas que o regulan.
- A aplicación dos fondos a fins distintos dos que motivaron a súa concesión.
- O transcurso do tempo fixado sen que se execute a inversión obxecto da subvención.
- As establecidas nos artigos 32 e 33 da Lei 9/2007, do 13 de xuño, de subvencións de Galicia, procedendo, se fose o caso, o reintegro total o parcial da axuda percibida e dos xuros de mora devindicados dende o momento do seu pagamento ata a data na que se acorde a procedencia do reintegro.





XUNTA DE GALICIA

CONSELLERÍA DE POLÍTICA
SOCIAL

Dirección Xeral de Familia, Infancia
e Dinamización Demográfica

galicia

De resolverse o convenio, a Consellería de Política Social, poderá exixir o reintegro das cantidades achegadas. Igualmente, de conformidade co disposto no artigo 17.3 da Lei 9/2007, do 13 de xuño, de subvencións de Galicia, procederá ao reintegro do exceso percibido no suposto de que o importe da axuda, illada ou en concorrencia con outras subvencións, axudas, ingresos ou recursos supere o custo da actividade subvencionada.

En canto aos efectos da resolución do convenio estarase ao establecido no artigo 52 da citada da Lei 40/2015, do 1 de outubro.

DÉCIMO SEXTA. PUBLICIDADE

De conformidade co disposto na Lei 1/2016, do 18 de xaneiro, de transparencia e bo goberno, e na disposición adicional primeira do Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia para o ano 2006, e coa autorización expresa da Asociación AMINO.Gal, a Consellería de Política Social remitirá os datos necesarios para a súa inclusión e publicidade nos rexistros públicos de axudas. Así mesmo, comunicará na súa páxina web oficial os seguintes datos básicos: obxecto do convenio, identificación das partes, importe do financiamento, data da sinatura, finalidade e período de vixencia. Así mesmo, o convenio quedará sometido, en canto a publicidade das subvencións, ao establecido no artigo 15 da Lei 9/2007, do 13 de xuño, de subvencións de Galicia. Ademais, este convenio será obxecto de inscrición, en cumprimento do establecido no Decreto 126/2006, do 20 de xullo, polo que se regula o Rexistro de Convenios da Xunta de Galicia e de conformidade coa Lei 38/2003, do 17 de novembro, xeral de subvencións, o instrumento de colaboración e a información sobre a subvención serán comunicados á Base de datos nacional de subvencións (BDNS).





Compostela e a Universidade de Vigo autorizan á Consellería de Política Social a incluír e facer públicos os datos relevantes referidos ao convenio asinado no rexistro público de convenios creado polo Decreto 126/2006, do 20 de xullo, polo que se regula o Rexistro de Convenios da Xunta de Galicia, manifestando asemesmo o seu consentimento para que os datos persoais que constan neste convenio, así coma o resto das especificacións contidas no mesmo, poidan ser publicados no Portal da Transparencia e Goberno Aberto.

En proba de conformidade con canto antecede, as partes intervenientes asinan o presente convenio, por sextuplicado exemplar, no lugar e data indicados ut supra.

A conselleira de Política Social

Fabiola García Martínez

A conselleira de Educación, Universidade e
Formación Profesional

Carmen Pomar Tojo

A representante legal da Asociación

AMINO.Gal

Aida Blanco Arias

O reitor da Universidade da Coruña

Julio Abalde Alonso

O reitor da Universidade de Santiago de
Compostela

Antonio López Díaz

O reitor da Universidade de Vigo

Manuel Joaquín Reigosa Roger



XUNTA DE GALICIA

CONSELLERÍA DE POLÍTICA
SOCIAL

Dirección Xeral de Familia, Infancia
e Dinamización Demográfica

galicia

ANEXO 1						
Gastos previstos por anualidades e achegas	2018	2019	2020	Achega Xunta de Galicia	Achega Amino.Gal	Total Programa
a) Xornadas constitución voluntariado	3.450,00 €	3.450,00 €	0,00 €	6.900,00 €		6.900,00 €
b) Xornadas formación voluntarios	3.557,00 €	1.825,00 €	0,00 €	5.382,00 €	2.864,00 €	8.246,00 €
c) Desprazamentos voluntarios	0,00 €	1.476,30 €	598,50 €	2.074,80 €		2.074,80 €
d) Material de oficina	2.410,00 €	1.000,00 €	1.000,00 €	4.410,00 €		4.410,00 €
e) 2 Liñas de teléfono	296,00 €	888,00 €	592,00 €	1.776,00 €		1.776,00 €
f) Difusión e dixitalización do proxecto Web + Tripticos + Dixitalización tests	3.000,00 €	0,00 €	0,00 €	3.000,00 €		3.000,00 €
h_1) RRHH - Contrato 2 coordinadoras	12.166,32 €	36.498,96 €	24.332,64 €	72.997,92 €		72.997,92 €
h_2) RRHH - Xestoría	364,00 €	1.092,00 €	728,00 €	2.184,00 €		2.184,00 €
h_3) RRHH - Póliza seguro	100,28 €	300,84 €	200,56 €	601,68 €		601,68 €
h_4) RRHH - Imprevistos 4,33% total RRHH	546,90 €	1.640,71 €	1.093,80 €	3.281,41 €		3.281,41 €
	25.890,50 €	48.171,81 €	28.545,50 €	102.607,81 €	2.864,00 €	105.471,81 €

CUSTO TOTAL	105.471,81
ACHEGA PROPIA	2.864,00
ACHEGA XUNTA	102.607,81

